

卷五

書名 新編分類夷堅志甲集五卷至壬集五卷 嘉靖二十五年序錢塘洪?清平山堂刊本
 撰者 宋 洪邁 撰, 明 葉祖榮 編
 卷 卷五
 內容分類 子-小說家-異聞-南宋
 索書號 夕嵐草堂:S3074
 編號 90178

彩色首頁1

東洋文化研究所漢籍目錄 編號: 90178
 東洋文化研究所漢籍目錄所藏漢籍善本文影像資料庫 索書號: 夕嵐草堂:S3074
 漢籍善本文影像資料庫文本新編分類夷堅志甲集五卷至壬集五卷 嘉靖二十五年序錢塘洪?
 清平山堂刊本
 版權所有: 東京大學 東洋文化研究所
 使用上的注意事項

新編分類夷堅志卷之一
 忠臣門
 甲集
 夕嵐草堂

盡忠類

佐命功臣

李希亮政和中為郎官有鄰士甚貧以教授為業嘗

出城歸而言曰一月前夢金紫人言曰吾汝六

國初為佐命功臣墓在京城外十數里某村

田歲可得米二百斛去世已久不知子孫獨

今田固在但為掌墓者所擅汝往料理足可

既覺未敢遽往次夕復夢頗見譙責某對曰

青平山堂 夷堅志 甲集 卷五

蕭合樂于前。女童七八人，履虛而行，歌舞自若。而神官仙衆，逍遙于後。頃之，雲烟蔽覆，對面不相見。大聲如淨鞭鳴蹕，隨即寂然。道人不復見，供器皆用金銀，並無一存。鄭氏知墮術士計中，又畏禁中傳說，謂其夜祭神誦言，蓋此夕為奸詐者盡散樂也。烟雲五色，焰硝硫黃之屬，如戲場弄獅象，口中所吐氣，女童皆鈴索踢弄。小侶先繫索於屋角獸頭上，踐之以行。故望見以為履空。其他神仙悉老伶為之，巡檢亦伶中人也。然則神霄之事，疑若此云。

新編分類夷堅志卷之四終

新編分類夷堅志卷之五

辛集

夢幻門

蘇文定遊仙夢

熙寧十年，蘇文定公在南京幕府。四月一日，以臥病方愈，忽忽不樂，因起獨步于庭。天清日高，命僕曝書，閑取山海經，隱几而誦，不覺假寐。夢薄遊一所，樓觀巍然，朱碧晶瑩，叢以奇花香草，雜以丹霞紫烟，入其門，登其堂，門之榜曰神府堂，之榜曰朝真自堂。趨殿，殿名篆體難識，旋臨一閣，閣名甚高，不可辯。左碧池，右雕闌，中有一亭，几案酒榼悉備。九人聚坐其間，所

披鶴氅或紫或白其冠或金或鹿皮或熊經烏伸或
彈琴奕棋懽笑語話視蘇公自若蘇頗嫌其簡傲捨
而出俄聞招呼之聲回顧之一青鬟也謂曰君何人
而到此奉靈君之命有請引詣庭中一人云邀至預
坐蘇辭不獲輒廁其旁其一蒼頡白髮者問曰子塵
中人耶曰然曰何以至此曰信步而來其人笑曰非
信步也豈非心有所祈意有所感而然歟蘇曰此為
何所曰金泉洞天也蘇曰孔孟之道心有所祈顏冉
之學意有所感若夫神仙之事予未嘗揆慮而至于
此者真信步耳其人與之劇論儒老之同異遂及長



生曰金丹之術百數其要在神水華池玉女之術百
數其要在還精採氣馴致之久則自能脫百骸遺六
腑如蝸甲焉蟬蛻焉形貌有移而神炁無改若夫迷
於煉石化金感於金籙玉檢以求長生者非吾所謂
道也蘇曰世傳白日飛昇何邪曰其變靡常其化無
方此又非所以語子也言畢命酒同酌有抵掌而歌
者曰紅塵紛處兮人間世白雲深處兮神仙地仙家
春色兮億萬年蟠桃香煖兮雙鸞睡北看瀛洲兮咫
尺間西顧方壺兮三百里逍遙無為兮古洞天洞天
不老兮無人至酒酣蘇求退其人曰盍不少留以竟

揮塵之樂乎蘇曰有生則不能無形有形則不能無累故物色之祭相仍而不停憂患之來有進而無已其人曰子知有形而不知所以有形知有累而不知所以有累如影之隨形響之應聲者皆所以招之故也蘇謝曰謹受教良久為家人驚呼而寤乃作遊仙記或謂蘇公借夢以成文章未必實有予愛其語而書之

章仲駿遊仙夢

章調仲駿舊居無錫縣之斗城年二十五歲時病傷寒旬餘口鼻中如墨眼陷舌枯四肢不能伸屈湯飲



俱絕醫謂必死家人置棺以俟命僧候之肌冷即斂是夕夢皂衣卒二十餘人來大略如迎新官甚謹畏一吏前揖請行即隨以往自所居至前橋登大黑舫月明如晝章憑舫觀玩迤邐出九曲盤龍港經獨山門入太湖望向北諸山詢為何處吏曰宜興張公洞也章云久聞此洞佳勝每欲遊未暇今試一往從者皆不可曰彼中候官人甚急宜有他之章怒曰那由汝輩叱使行遂遡山而往抵岸已有籠燭火炬數道士前迎問觀主為誰曰趙繼章也繼章向往無錫明陽觀與章善遂相引入洞下瞰闌楯詰曲石岩兩

壁衣冠儼列如仙人狀石燕時時飛舞俯視水一泓
明徹可鑑一仙人招童云與汝兩仙粟當對我食之
童止食一枚欲留一以遺母及兄弟仙人再迫之僅
留其半挽仙所着衣皆軟如泥又念取此泥作丸必
能益人壽考遂竊而握之行數步回視岩頂有光一
穴如井口旁人曰此乃出洞處遂出趨舟次郡吏卒
皆言旣登又此回棹操篙者不從復怒罵之不得已
而返及家大門中門皆閉以足踢開徑至房就寢少
頃睡覺窓戶明亮呼婢取衣智通驚走報其兄弟皆
疑其發狂熟視面色儼然如常時兩手猶握拳

即日履地飲食起居平復時紹興癸酉二月後有從
張公洞來者告以夢與所見皆同無少差知觀果繼
童也仲駿自說

衛師回夢

衛淵字師回鄆州東阿人嗜酒成疾敏慧過人而嬾
讀書年餘四十未仕當盛夏偕朋輩聚飲醉卧牖下
夢遊他所或報沉湎國入寇居民挈老稚散走淵蒼
皇伏竄旣還家及室皆已遭俘掠彌山間彷徨累歲
無地駐足忽遇故人閭中孚李亨嘉王勉夫三人相
慰問告以妻孥無恙淵大喜語之曰吾困厄三年繼

寒漂蕩朝不謀夕每遇平生懽會一吸數斗今頓一
盃救渴無由得致諸君寧有意乎中孚曰過此數里
有青帘酒肆二妹當壚絕冶麗盍同訪之淵益喜遂
往果如所云淵先酌一卮又令添酒別一鬟執器愁
慘淵謂之曰酒家人當奉客惟悅何乃如是鬟泣曰
尊官不知也適所飲者非麴蘖醞成皆人之精血爾
世人居陽間拋踐餘瀝崇積殃咎死則漬其骨髓而
爲之淵昧昧殊不信妹乃引入後室巡視大屋中羅
列槽器旁有數百人男女清雜裸體兩大鬼持戟次
第之真槽內大石壓榨之血自口流出皆成酒淵前

悚而寤小童在側賓客倨坐壺矢之聲方鏘然遽話
所夢原來移時憶其經歷殆數歲矣唐人記南柯太
守櫻桃青衣卽卽黃梁皆相似也

大乾廟

邵武惠應廟在軍西五十里大乾山閩士多往祈禱
郡人張鳳以紹興甲子冠鄉薦旣下第丁卯再試欲
改賦爲經義夢僧持鉢中有詩曰賦中千里極歸依
衣鉢成章露翠微乃止用賦得魁薦千里者重字也
高中得詩曰碧瓦朱簷美外登黃花六葉掌中開纔
及第娶黃司業女六娘者爲妻碧瓦朱簷高字也建

安詹必勝兄弟三人得詩曰萬里無雲天一色秋風
吹起鴈行高紙上倒書之紹興己卯秋闈同預薦李
弟名居上仲次之兄最在後葉堯明得詩曰十日陰
泥雨皇都喜乍晴浪平龍角穩風細馬蹄輕遂登科
延平鄭良臣赴舉其父祈夢詩曰筆頭掃落三千
士賜與君家一二名良臣是年以第三名薦鄧似愷
乾道戊子所得詩曰戊戌年逢鼠水邊少人武雙劍
聞高飛萬人看遠舉乃更名遠舉即獲解遂策名鄧
生沙縣人季友直兄弟夢携手同行有人荷劍連呼
曰得了得了果同預計偕又占者試前下人出相

揖曰不用問兄弟連標皆如其言曹薦與弟惠赴試
夢殿上人持榜下問之曰解榜也薦乞觀有曹利用
曹利建姓名乃皆易名以應之果中選獨季子和者
將赴太學補試臨行祈夢得詩云瓊奴耳畔低低語
爭乞釵頭利市花覺而與親朋言良以為吉然入太
學半年不幸死瘞於臨安漏澤園旁一塚標云弟子
瓊奴葬此

鄒益夢

鄒益者饒州樂平人為進士初與三舍時乞夢於州
城隍廟夜夢往官府見壁間詩一聯云鄒益若為饒

冊首朱元天下第三人既覺大喜謂必冠鄉榜時舍
法初挾書假手之法甚嚴益首犯禁朱元者徽州人
蔡京改茶法為茶商坐私販抵罪正係第三人云

新編分類夷堅志卷之五終



五
年
庚
子
所
圖
畫